

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH”, broj:35/05), u skladu sa Odlukom o usvajanju Programa utroška sredstava sa kriterijima raspodjele sredstava programa „Zaštita i promocija objekata kulturno-historijskog naslijeđa i razvoj kulturnog i umjetničkog stvaralaštva“ tekućeg transfera neprofitnim organizacijama – Transfer za kulturu od značaja za Federaciju utvrđenog Budžetom Federacije Bosne i Hercegovine za 2026. godinu Federalnom ministarstvu kulture i sporta - Federalnom ministarstvu kulture i športa („Službene novine Federacije BiH”, broj:26/26), federalna ministrica kulture i sporta objavljuje

PONOVLJENI JAVNI POZIV

za odabir projekata iz oblasti publicistike kulture naroda u Bosni i Hercegovini koji će se sufinansirati od preostalih sredstava na osnovu Odluke o usvajanju Programa utroška sredstava sa kriterijima raspodjele sredstava programa tekućeg transfera neprofitnim organizacijama – Transfer za kulturu od značaja za Federaciju

Sredstva za sufinansiranje projekata dodjeljivat će se u skladu sa Odlukom o usvajanju Programa utroška sredstava sa kriterijima raspodjele sredstava programa „Zaštita i promocija objekata kulturno-historijskog naslijeđa i razvoj kulturnog i umjetničkog stvaralaštva“ tekućeg transfera neprofitnim organizacijama – Transfer za kulturu od značaja za Federaciju utvrđenog Budžetom Federacije Bosne i Hercegovine za 2026. godinu Federalnom ministarstvu kulture i sporta - Federalnom ministarstvu kulture i športa.

PROJEKTI I PROGRAMI TEMELJNIH KULTURNIH ORGANIZACIJA

I Odabir programa i projekata vršiće se za sljedeće namjene:

PROGRAM 3.2: Promovisanje publicistike kultura naroda u Bosni i Hercegovini

Sredstva će se dodjeljivati u rasponu od 3.000,00 do 10.000,00 KM.

Sredstva su namijenjena sufinansiranju projekata koji doprinose promovisanju, dokumentovanju i razvijanju publicistike iz oblasti kulture naroda Bosne i Hercegovine, sa ciljem jačanja kulturne raznolikosti, međukulturnog dijaloga i očuvanja zajedničkog kulturnog identiteta.

II Cilj Javnog poziva

Cilj Javnog poziva je podrška projektima koji se odnose na publicistiku značajnu za kulturni, historijski i društveni razvoj u Bosni i Hercegovini, a koji:

- Podstiču publicističke projekte koji istražuju, predstavljaju i promovišu kulturne vrijednosti, tradiciju i savremene kulturne izraze naroda BiH;
- Unapređuju vidljivost i dostupnost publicističkih radova široj javnosti;

- Pružaju podršku autorima, izdavačima i udruženjima koja aktivno doprinose pluralizmu i kulturnoj inkluzivnosti.

III Pravo podnošenja zahtjeva

Pravo podnošenja zahtjeva na ovaj Javni poziv imaju nacionalne zajednice kulture/matice koje su registrovane u Bosni i Hercegovini i imaju dokazane stručne i organizacijske kapacitete za realizaciju predloženog projekta. Finansiraće se isključivo projekti koji započinju i završavaju u 2026. godini.

Na ovaj Javni poziv nemaju pravo aplicirati korisnici sredstava Federalnog ministarstva kulture i sporta koji nisu u cijelosti ili djelimično namjenski utrošili i opravdali dobijena sredstva u 2025. godini, u skladu sa rokom naznačenim u Ugovoru.

Na ovaj Javni poziv se ne mogu prijaviti krovne institucije kulture naroda Bosne i Hercegovine ni aplikanti kojima su sredstva već odobrena po istom javnom pozivu u 2026. godini (objavljenom 20. 4. 2026. godine).

IV. Opšti i posebni kriteriji za raspodjelu sredstava programa 3.2. – Promovisanje publicistike kultura naroda u Bosni i Hercegovini

Opšti kriteriji:

1. Tematska relevantnost i doprinos – projekat se mora odnositi na publicistiku od značaja za kulturni, historijski i društveni razvoj u BiH; inovativnost i autentičnost u pristupu
2. Kvaliteta sadržaja – stručnost, utemeljenost na istraživanjima; doprinos očuvanju i afirmaciji jezika i književnog izričaja
3. Dostupnost i vidljivost – planirane aktivnosti promocije; doseg i ciljna publika

Posebni kriteriji:

1. Doprinos kulturnoj raznolikosti i inkluzivnosti – afirmiše interkulturni dijalog; uključuje različite društvene grupe i regione
2. Mjerljivost rezultata – očekivani broj publikacija, promocija ili korisnika; jasno definisani pokazatelji uspjeha
3. Održivost projekta – mogućnost nastavka korištenja rezultata; plan daljnjeg razvoja aktivnosti
4. Stručni kapaciteti nosioca projekta – iskustvo u publicistici ili kulturnoj promociji; reference autora ili organizacije

V Dokumentacija

Obavezna dokumentacija i dokumentacija za posebne kriterije od tačke 1 do tačke 10 dostavlja se numerisana istim slijedom kako je navedeno. Numeriše se svaki papir/stranica redom i mora biti **spiralno uvezana** u cjelinu.

Dokumentacija koja ne bude uvezana i numerisana na prethodno navedeni način **neće biti uzeta u razmatranje** i smatraće se formalno-pravno neispravnom.

Obvezna dokumentacija

1. Prijavni obrazac, elektronski popunjen, potpisan i ovjeren pečatom pravnog lica, dostupan na mrežnoj stranici Ministarstva – (original)
2. Uvjerenje o poreznoj registraciji - identifikacioni broj (original ili ovjerena kopija);
3. Rješenje o razvrstavanju - Klasifikacija djelatnosti (kopija);
4. Uvjerenje Porezne uprave o izmirenim poreznim obavezama aplikanta, ne starije od šest mjeseci do dana objave javnog poziva (original ili ovjerena kopija);
5. Aktuelni izvod iz registra, ne stariji od šest mjeseci do dana objave javnog poziva (original ili kopija ovjerena u opštini ili u notarskom uredu);
6. Potvrda banke ne starija od mjesec dana do dana objave javnog poziva (original ili ovjerena kopija), u kojoj je navedeno:
 - a) da račun nije blokiran;
 - b) broj transakcionog računa
 - c) ID broj korisnika;
7. Bilans stanja i bilans uspjeha ili račun prihoda i rashoda za 2025. godinu, sa vidljivim pečatom Finansijsko informatičke agencije (FIA). Subjekti registrovani u 2026. godini nisu obavezni dostavljati bilans stanja i bilans uspjeha (original ili ovjerena kopija).

Dodatna dokumentacija

8. Dokaz o iskustvu u publicistici;
9. Vremenski plan realizacije projekta sa planom promocije;
10. Dokazi o uključivanju društvenih grupa.

VI Dostavljanje dokumentacije

Svi zainteresovani aplikanti koji ispunjavaju uslove tražene ovim Javnim pozivom svoje programe/projekte zajedno sa zahtjevom, koji mogu preuzeti na zvaničnoj web stranici: www.fmks.gov.ba, trebaju dostaviti na adresu:

Federalno ministarstvo kulture i sporta – Federalno ministarstvo kulture i športa

NE OTVARATI – ZA JAVNI POZIV

**„PROGRAMI I PROJEKTI TEMELJNIH KULTURNIH ORGANIZACIJA - 3.2.
Promovisanje publicistike kultura naroda u Bosni i Hercegovini“**

Obala Maka Dizdara 2

71000 Sarajevo

Na poledini koverta nužno je navesti naziv pošiljaoca, adresu pošiljaoca, kontakt telefon i staviti pečat institucije.

Prijave se mogu predati isključivo putem pošte u roku od 15 dana od dana objave javnog poziva u dnevnim novinama, zaključno sa **12. 10. 2026.** godine.

NAPUTAK APLIKANTIMA

- Prijavni obrazac mora biti elektronski popunjen, potpisan i ovjeren.
 - Prijave koje nisu dostavljene na propisanom obrascu, netočne i nepotpune prijave i prijave koje nisu dostavljene u navedenom roku neće biti razmatrane.
- Potrebno je da aplikant dostavi spisak dokumentacije koju je dostavio uz prijavni obrazac.
- Aplikant je odgovoran za tačnost podataka u prijavi na propisanom obrascu. Ukoliko aplikant pogrešno popuni prijavu ili ne dostavi sve tražene dokumente, smatraće se formalno-pravno neispravnim.
- Finansijski plan, koji se nalazi unutar prijavnog obrasca, treba biti detaljno razrađen po stavkama. U suprotnom će se prijava smatrati formalno-pravno neispravnim.
- Potvrda banke koja ne sadrži identifikacioni broj aplikanta, transakcioni račun aplikanta i izjavu o aktivnosti računa aplikanta neće biti prihvaćena.
- Aplikant je odgovoran za dostavljanje tačnih podataka. Dostavljeni podaci ne mogu se mijenjati za vrijeme trajanja Javnog poziva.
- U toku realizacije projekta bilo koja promjena adrese, broja telefona, promjena kontakta, ovlaštenog lica ili broja računa kod banke, moraju biti dostavljeni u pisanoj formi ovom ministarstvu. Federalno ministarstvo kulture i sporta neće se smatrati odgovornim u slučaju da ne uspije kontaktirati aplikanta.
- Svi dokumenti moraju biti isključivo na jednom od službenih jezika u Federaciji BiH.
- Ukoliko podnositelj prijave na zatvorenoj kuverti ne upiše naziv transfera za koji aplicira, te ne navede naziv podnosioca prijave, adresu, kontakt telefon i ne stavi pečat organizacije, prijava neće biti uzeta u razmatranje.
- **Dokumente je potrebno numerisati na način da se numeriše svaka stranica/papir redom i da se spiralno uveže kao cjelina.** Numerisanje se vrši redoslijedom kako je navedeno u traženoj dokumentaciji. Dokumentacija koja ne bude uvezana i numerisana na prethodno navedeni način neće biti uzeta u razmatranje i smatraće se formalno-pravno neispravnim.
- Dokazi o realizovanim projektima iz prethodnog perioda koji se neće prihvatati su: fotografije, popis linkova, CD-ovi, tekstovi objavljeni na društvenim mrežama (Facebook, Instagram, Twitter i sl.), ugovori i odluke o dodjeli sredstava te drugi dokumenti iz kojih nije jasno vidljivo da je aplikant realizovao projekat.
- Svi dokazi za dodatnu dokumentaciju moraju imati vidljive pečate i potpise ovlaštenih lica (sporazumi, memorandumi o saradnji, potvrde, preporuke i drugo).

- O rezultatima Javnog poziva aplikanti će biti informisani putem zvanične web stranice <https://fmks.gov.ba> u roku od 30 dana od dana zatvaranja Javnog poziva.
- Svaki član Komisije biće isključen iz postupka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojem će davalac proračunskih sredstava odlučivati pojedinačno o svakoj prijavi.
- Podnosiocima prijava po Javnom pozivu dopušta se izjavljivanje prigovora u roku od pet (5) dana od dana objave rezultata formalno-pravne ispravnosti podnesenih prijava.
- Dopuna dokumentacije nakon isteka roka za dostavljanje prijava nije dopuštena.
- Revidirane proračune aplikanti koji zadovolje uslove za finansiranje dužni su poslati najkasnije u roku od 48 sati od datuma zaprimanja informacije o dodjeli sredstava.
- Aplikanti koji su zadovoljili uslove za potpisivanje ugovora o dodjeli sredstava dužni su cjelokupnu projektnu dokumentaciju dostaviti skeniranu na USB stiku.
- Aplikanti su prilikom pravljenja sredstava dužni uz printani dokaz dostaviti cjelokupni finansijski izvještaj skeniran na USB stiku.
- Korisnici mogu podnijeti zahtjev za dodjelu sredstava u minimalnom iznosu odnosno maksimalnom iznosu sukladno predviđenom rasponu za program na koji se prijavljuju.